



Heeltydse afrigters baan weg vir SA se sukses

Suid-Afrikaanse atletiek vind nou baat by die toename in heeltydse afrigters en groter pogings om talent te gaan soek en te ontwikkel.

Dit is Neil Cornelius se verduideliking vir die groot sukses wat vanjaar behaal is. Die land het sy suksesvolste wêreldkampioenskap tot nog toe gehad, deur met ses medaljes derde op die medaljetafel te eindig. In die maande voor die Londen-skouspel het veral die land se naelopers en hekkelopers boonop die SA rekords en persoonlike beste tye ingeryg.

"Ek dink nie daar is een spesifieke rede nie – 'n paar goed

word nou beter gedoen.

"As ek kyk na Tuks (waar hy werk) het ons nou meer heeltydse afrigters en is daar 'n atletiekbaan opgerig wat vinnig en goed genoeg is om ons atlete op die wêreld se beste bane voor te berei. Hier kan ons oefen sonder enige afleidings, want daar is ander mense wat die politiek hanteer.

"Daar was 'n paar atlete wat die deur vir die res oopgemaak het en gewys het die medaljes by die groot byeenkomste is nie net bespreek vir ander lande nie. Suid-Afrika het net soveel talent en potensiaal soos die groot lande."

Medaljestand Londen 2017

| LAND |  |  |  | Totaal |
|---|---|---|---|--------|
| 1 Amerika  | 10 | 11 | 9 | 30 |
| 2 Kenia  | 5 | 2 | 4 | 11 |
| 3 Suid-Afrika  | 3 | 1 | 2 | 6 |
| 4 Frankryk  | 3 | 0 | 2 | 5 |
| 5 China  | 2 | 3 | 2 | 7 |
| 6 Brittanje  | 2 | 3 | 1 | 6 |
| 7 Ethiopie  | 2 | 3 | 0 | 5 |
| 8 Pole  | 2 | 2 | 4 | 8 |
| 9 Neutraal*  | 1 | 5 | 0 | 6 |
| 10 Duitsland  | 1 | 2 | 2 | 5 |

*Atlete van Rusland Bron: laaf.org Grafika24